



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School	:	TWGHs S.C. GAW MEMORIAL COLLEGE
學校名稱	:	東華三院吳祥川紀念中學
Name of Play 劇名	:	這樣的未來
Script writer 劇作者	:	陳穎琳、周子淳、楊文晰、王正揚、黃子睿 (同學)

Synopsis 故事大綱：

現今世代，無論是小朋友、青少年或成年人都會依賴科技。

因為科技帶來無限方便，所以它便成為我們日常的必需品。

但科技是否如大家想像般萬能呢？

故事中的嘉樂是一個非常聰明的發明家。

她自小沒有幾個朋友，除了婆婆之外，最能令她脫離孤獨的就是機械人。

嘉樂從小到大都希望機械人可以變成有感情的「AI」，成為人類的朋友。

究竟她的想法是對還是錯呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第 1 場

(2019 年)

(像實驗室般的家)

人物 嘉樂(中學時期嘅嘉樂)、婆婆、初型機械人

(嘉樂唔開心咁返屋企)

嘉樂 婆婆，我返嚟啦..... (丟低書包，行去婆婆度，望下婆婆做咩)

婆婆 (一路整機械人一路講) 乖孫，返嚟啦? (望見主角) 咩事又搞到我個乖孫咁唔開心，扁晒咀咁?

嘉樂 班同學又夾埋蝦我囉

婆婆 有咩原因竟然蝦我個咁聰明嘅小化學家呀，吓?

嘉樂 佢地嫌我太聰明....

婆婆 咁....之前婆婆咪講過，你要解釋多 D 先得架嘛!

嘉樂 有呀! 係佢哋蠢，唔明咋嘛....咁都唔明! 之前上 STEM 堂，我想將我個機械人整多 D 功能，咪問老師囉! 佢地又話我騎呢，搞咁多野!

婆婆 咦! 係咪之前婆婆同你係屋企整個個初代 A001 呀? 你唔滿意咩?

嘉樂 婆婆，我都講過咯! 佢唔係初代 A001 呀! 佢係正義嘅化身—蒙面金剛呀!

婆婆 得得得! 乖孫你鍾意啦...依家快啲去洗手食飯先啦!

嘉樂 婆婆! 你聽我 up 埋先啦! 我好好好好想知呢，機械人到底有冇感情架?

婆婆 吓?

嘉樂 即係.....有自然反應個 D 呢! 即係...聽到笑話會笑，唔開心會喊個 D 呢...? (期待)

婆婆 咁.....佢都識答問題嘅! 但一條問題得一個答案咁囉!

嘉樂 吓.....點解呀! (失望)(看到婆婆整嘅機械人) 咁呢隻呢? 佢叫咩名呀? Hello.....



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- 婆婆 佢叫 81757
- 嘉樂 吓！又係代號！（厭棄）我叫李嘉樂……咁你就叫李樂嘉啦！
Hello！喂！睬下我啦……
- 婆婆 乖孫，佢唔會同你傾計㗎，佢只可以答你問題架咋！例如……功課唔明，佢又可以答你問題。做家务你唔識，佢又可以幫你。
- 嘉樂 吓……咁要佢嚟做咩姐！又陪唔到我！又唔特別！
- 婆婆 唉……唔吉利嘅都講句啦……婆婆好快走㗎啦！走咗……邊個幫你，照顧你啊？
- 嘉樂 婆婆！唔准走！你走咗冇人同我傾計㗎啦！我又冇朋友……唔開心㗎陣，都唔知搵邊個！除非……佢可以！婆婆……
- 婆婆 乖孫！你諗下！我依家整呢隻機械人，已經高過你一個頭。未來以後再有更多機械人都係咁，加埋佢地力量咁強大，我地人類就好渺小。佢地原本嘅作用就係幫人類，佢哋有感情嘅話佢哋可以反抗㗎！
- 嘉樂 我淨係要佢同我傾計咋嘛！佢哋會反抗咩？
- 婆婆 乖孫啊……唉！……你都係去洗手先啦！就嚟食飯啦！
- 嘉樂 婆婆啊……
- 婆婆 （一路行，一路推嘉樂）去……快啲去洗手！
- 嘉樂 （唔情願咁行）
- (燈暗)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第 2 場

(2039)

(電視節目)

人物 嘉樂(長大了的嘅嘉樂)、節目主持人林欣欣、樂嘉(雛形機械人進化變成嘅 AI)

VO 又嚟到 11 點大家最期待嘅節目一名人故事！今日嘅嘉賓又會係邊個呢？大家密切期待啦(加 drum roll)

主持 歡迎嚟到『名人故事』！我係節目主持人一林欣欣！今日嘅嘉賓係一李嘉樂！（興奮）嘉樂，你好呀！

嘉樂 你好呀，主持人（大方得體嘅感覺）

主持 嘉樂，恭喜你喎！你啱啱推出嘅第代 AI 大賣喎！仲有好多地方有得賣添！

嘉樂 多謝

主持 你仲係全球第一個年紀最細，攞 Patrick Porous 獎嘅發明家喎！有咩感受先？你又最想多謝邊個？

嘉樂 我好榮幸，亦都好開心，有呢一個肯定！最想多謝嘅，梗係我婆婆啦！

主持 哦！係喎！大家知唔知道，嘉樂嘅婆婆就係好出名嘅發明家一黃秀麗博士呀！

嘉樂 （笑了笑）係呀！可惜佢已經走咗喇！有機會見到我攞獎.....

主持 係喎....我都知道佢前個排死於意外....我知道之後都好傷心...不過，相信佢在天之靈一定會為你開心.....係啦，你細個嗰陣就睇住佢發明唔同嘅產品架啦

嘉樂 嗯.....都算係啦！不過唔係全部....

主持 咁佢平時係咪好忙架？

嘉樂 都係架.....我瞓緊覺嗰陣，佢仲做研究.....

主持 佢咁忙，咁有冇時間陪你架？同埋佢會唔會對你好嚴架？

嘉樂 婆婆好錫我架，佢成日都 tum 我開心，平時我一返屋企，佢就會關心我。佢知我有